



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Ab Alexandro VII. Ad Clementem X.

**Luxemburgi, MDCCXLII.**

CXXXVIII. Declaratio mentis super solutione Decimarum per Pensionarios  
facienda.

---

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

buscumque non obstantibus. Romæ 15. Martii  
1663.

M. Card. Ginettus.

Locus † sigilli.

E. Episcopus Camerinen. Secr.

Modus autem præscriptus in Constitutionibus Ge-  
ner. Familiae Cismontanae cap. 7. §. 36. de  
Capitulis Provincialibus nu. 7. & sequentibus  
talis est.

**A**Ntequam Patres ingrediantur Diffinito-  
rium, fiat inter ipsos discussio super meritis,  
& qualitatibus promovendorum, & præcipue  
attendatur justitia distributiva pro pacis conserva-  
tione. Deinde Præfident, seu Provincialis proponat  
unum pro quolibet Conventu successivè, super quo  
sumantur ab electoribus calculi nigri, vel albi ad hoc  
præparati, & sic secretò absque alia discussione  
ponatur in urna. Quod si major pars erit affirmativa,  
electus intelligatur, si verò erit negativa proponatur  
alius à Præfide, sive Provinciali, ut supra, donec  
electio canonicè fiat. Quod si vota per tres vices  
erunt æqualia, Præfident voto decisivo utatur, uti  
secundum Deum melius videbitur expedire. Alii autem  
Officiales, videlicet Confessores Monialium, Magistri  
Novitiorum, Lectores, & alii hujusmodi instu-  
antur à Superiore cum consilio, & consensu Patrum  
Diffinitorum, non obstante quacumque consuetudine  
immemorabili in contrarium &c.

CXXXVII.

Quod Fratribus Clericis Congregationis Gallicanae  
Fratrum Reformatorem nuncupatorum Sanctissimæ  
Trinitatis Redemptionis Captivorum non competit  
jus suffragandi in Capitulis, Fratribus verò laicis  
nullum penitus jus competit suffragandi in quocumque  
negotio.

ALEXANDER PAPA VII.

Ad perpetuam rei memoriam.

Edita An. D.  
1663.

Supplicatio.

**C**um sicut dilectus filius Procurator Generalis  
Congregationis Gallicanae Fratrum Reformatorem  
nuncupatorum Ordinis Sanctissimæ Trinitatis  
Redemptionis Captivorum Nobis nuper exponi fecit,  
Frates Conversi, seu Laici dictæ Congregationis se  
ab eorum Superioribus, & Fratribus Sacerdotibus  
eiusdem Congregationis voce activa, & jure  
suffragandi, secundum dispositionem Regulæ d. Ordinis  
à fel. rec. Innocentio Papa III. Prædecessore nostro  
specificè confirmatæ Fratribus Clericis, & Laicis  
æqualiter competente nulliter, & de facto spoliatos,  
esse præcuderint, eaque super re ad Venerabiles  
Fratres nostros S. R. E. Cardinales negotiis, &  
Consultationibus Episcoporum, & Regularium  
præpositos recursum habuerint, dictus verò  
Procurator Generalis controversiam hujusmodi à  
Nobis dirimi summopere desiderat.

§. 1. Nos ipsum Procuratorem generalem  
specialis favore gratiæ prosequi volentes, & à  
quibusvis excommunicationis, suspensionis, & inter-  
dicti, aliisque Ecclesiasticis sententiis, censuris,  
& poenis à jure, vel ab homine quavis occasione,  
vel causa latis, si quibus quomodolibet inno-  
datus existit, ad effectum præsentium dumtaxat  
consequen. harum serie absolventes, & absolutum  
fore censentes, supplicationibus ejus nomine  
Nobis super hoc humiliter porrectis inclinatis, de  
eorundem Cardinalium, qui rem partibus auditis  
maturè examinarunt, ac discussissent, consilio,  
Fratribus Clericis Congregationis hujusmodi non  
competere jus suffragandi in Capitulis, nisi post-  
quam fuerint in sacris Ordinibus constituti; Fra-  
tribus verò laicis nullum penitus jus competere

Abolvit  
Oratorem  
à censuris.

Confirmat  
proe in Ru-  
bric.

suffragandi in quocumque negotio, auctoritate  
Apostolica tenore præsentium declaramus, ac  
decernimus.

§. 2. Decernentes pariter easdem præsentibus  
litteras semper firmas, validas, & efficaces existere,  
& fore, suosque plenarios, & integros effectus  
sortiri, & obtinere, ac illis, ad quos spectat,  
& pro tempore spectabit plenissimè suffragari,  
& ab illis respectivè inviolabiliter observari,  
sicque in præmissis per quoscumque Judices  
ordinarios, & delegatos, etiam causarum Palatii  
Apostolici Auditores judicari, & diffiniri debe-  
re, ac irritum, & inane si secus super his à quo-  
cumque quavis auctoritate scienter, vel ignoran-  
ter contigerit attentari.

§. 3. Non obstantibus in contrarium allatis,  
aut prætentis, ac Constitutionibus, & ordina-  
tionibus Apostolicis, necnon quatenus opus sit  
prædictorum Ordinis, & Congregationis, etiam  
juramento, confirmatione Apostolica, vel qua-  
vis firmitate alia roboratis, statutis, & con-  
suetudinibus, privilegiis quoque, indultis, &  
litteris Apostolicis in contrarium præmissorum  
quomodolibet concessis, confirmatis, & inno-  
vatis. Quibus omnibus, & singulis, illorum te-  
nores præsentibus pro plenè, & sufficienter  
expressis, & insertis habentes, illis aliàs in  
suo robore permanens, ad præmissorum effe-  
ctum, hac vice dumtaxat specialiter, & expres-  
sè derogamus, cæterisque contrariis quibuscum-  
que.

§. 4. Volumus autem ut earundem præsentium  
litterarum transumptis, etiam impressis, manu ali-  
cujus Notarii publici subscriptis, & sigillo perso-  
næ in Ecclesiastica dignitate constitutæ munitis  
eadem fides in judicio, & extra adhibeatur,  
quæ præsentibus ipsis adhiberetur si forent  
exhibita, vel ostensa.

Datum Romæ apud S. Mariam Majorem sub  
Annulo Piscatoris, die 10. Februarii 1663. Pon-  
tificatus Nostri Anno octavo.

Declaratio mentis super solutione Decimarum  
per Pensionarios faciendâ.

Vide ad Const. 16. Innocen. X. Nuper, & ad  
Const. 109. Cum divinas hujus Pont.

ALEXANDER PAPA VII.

**M**Otu proprio &c. Cum Nos aliàs pro ur-  
gentibus Reipublicæ Christianæ necessitatibus,  
& præsertim ad reprimendos Infidelium  
conatus de Venerabilium fratrum nostrorum  
S. R. E. Cardinalium consilio, & assensu  
inter alia indixerimus, & imposuerimus sex  
integras decimas omnium, & quorumcumque  
fructuum, reddituum, proventuum, jurium,  
obventionum, & distributionum quotidiana-  
rum, & emolumentorum ordinariorum om-  
nium, & quarumcumque Patriarchalium, Me-  
tropolitanarum, Cathedralium, & Collegiata-  
rum, ac Parochialium, aliarumque Ecclesiarum,  
necnon Monasteriorum, & Conventuum, ac  
etiam mensarum Patriarchalium, Archiepisco-  
palium, Episcopaliurn, Abbatialium, Capitularium,  
& Conventualium, Prioratuum quo-  
que, Præpositurarum, Canonicatum, & Præben-  
darum dignitatum, Personatum, cæterorumque  
beneficiorum, & bonorum Ecclesiasticorum etiam  
Jurispatronatus Laicorum, & Regularium loco-  
rum in univèrsa Italia, & Insulis adjacentibus  
consisten. sub certis tamen exceptionibus, ac mo-  
do, & forma tunc expressis, atque etiam omnium,  
& quarumcumque pensionum annuarum super  
fructibus, redditibus, proventibus, juribus,  
obventionibus, emolumentis, ac distributionibus  
quotidianis, sive earum loco, fructuum, reddituum,

Decretum  
irritans.

Contrariis  
derogat.

Transump-  
torum fides.

Dat. P. A. 8.  
die 10. Feb.

CXXXVIII.

Edita An. D.  
1663.

Exordium.

proventuum, obventionum, emolumentorum, ac distributionum hujusmodi ( Statu Veneto excepto, in favorem quorumcumque ) non tamen Cardinalium prædictorum, reservatarum, & assignatarum, seu translatarum, aut reservatarum, & assignandarum, vel translatarum, ac reservandarum, & assignandarum, seu transferendarum, aut reservandarum, & assignandarum, seu transferendorum percipiendas, exigendas, & elevandas, ac ab omnibus, & quibuscumque Patriarchis, Archiepiscopis, & aliis Ecclesiarum Prælatibus, & cæteris cujuscumque dignitatis, gradus, status, ordinis, militiae, & conditionis personis Decennio inibi expresso durante prædicta quocumque jure, & titulo obtinentibus, & obtenturis, ac reservata, & assignata, seu translata habentibus, & habituris, necnon œconomis, administratoribus perpetuis, & temporalibus, usufructuariis, ac fructus, & pensiones, res, & alia jura quomodolibet habentibus, & habituris tam sæcularibus, quam Regularibus, etiam quorumcumque ordinum, & certarum militia-

§. 1. Ac præterea pensionum hujusmodi Decimas ad rationem Decem pro Centenario præstari debere, & secundum ea omnes in solidum cogendos esse ipsarumque Decimarum Procuratores à quibus libuerit integrè exigendi optionem facultatemque habere, nec ulla immunitates, & exemptiones etiam ex causa resignationis, cessionis juris, concordiae, conventionis, aut quacumque alia gravi, & onerosa occasione quocumque modo, & sub quibuscumque verborum expressione etiam à Decimis, seu quibuscumque aliis impositionibus etiam pro expeditione, tam offensiva, quam defensiva contra Turcas, & alios Infideles, & Hæreticos, seu ex alia quavis quantumvis legitima, & rationabili, ac necessario, & de necessitate exprimenda causa etiam in favorem Imperatoris, Regum, Reginarum, Ducum, seu aliorum quorumcumque Principum, ac pro eorum, & Sedis Apostolicæ necessitatibus, seu alios Canonicè, vel de facto impositis, & pro tempore imponendis etiam per Nos concessas, & interim concedendas integram solutionem hujusmodi minuere, vel impedire, neque possessores usufructuarios, aut alias pensiones, seu fructus hujusmodi solvere debentes etiam ipsi juri, & actioni petendæ, vel detrahendæ, aut retinendæ portionis, & ratæ partis Pensionarios contingentis jure jurando renunciaverint, atque ex forma Camere Apostolicæ amplissima caverint modo aliquo obligari, neque ad id pro dicto tempore constringi posse, sed Pensionarios, & fructuum hujusmodi reservatarum ad Decimarum prædictarum onus solvendum omnino teneri.

§. 2. Omnes verò confessiones, & quietantias, receptiones Decimarum à Procuratoribus, & Ministris dictæ Camere, tam conductoribus censuariis, & locatoribus nomine suorum principalium, quam etiam ipsis, necnon possessoribus, usufructuariis, & aliis pensiones, seu fructus solvere debentibus nomine Pensionariorum faciendas perinde valere, atque in judicio, & extra illud ubique locorum fidem facere, ac si ipsismet principalibus & pensionariis præsentibus, & solventibus factæ, & exhibitæ fuissent, prout in nostris literis sub Data Anno Incarnat. Dominicæ 1660. nono Kalen. Martii Pontificatus nostri Anno sexto, de super confectis quarum tenores præsentibus pro expressis, ac de verbo ad verbum insertis præsentibus haberi volumus plenius continetur.

§. 3. Cum autem sicut accepimus in aliquibus reservationibus, & impositionibus prædictarum Pensionum ipsimet titulares, & Administratores ex pacto inter partes inito, vel etiam ex libero consensu, aut alias onus quarumcumque contributionum ratione Pensionum ipsarum etiam ad instantiam Imperatoris, & pro defensione Fidei Ca-

tholicæ facien. in se & successores suos etiam sub juramento, & obligatione Camerali assumpserint ac Pensiones ipsas ab ejusmodi Decimis impositionibus, & aliis quibuscumque gravaminibus quodcumque, vel ex quacumque causa etiam necessarissima, & urgentissima, ac etiam specialiter ex præmissis Pensiones liberas, immunes, & exemptas, ac integras; & nullatenus diminutas, solvere promiserint, quin etiam Pensiones ipsæ in quantum necessariæ solutionis, & contributionis faciendæ pro rata pensiones ipsas tangen. auctæ, vel augendæ, & forsitan etiam aliæ cautelæ cum prægnantissimis verborum expressione in expeditione pensionum hujusmodi conceptæ reperiantur, & propterea nonnulli Pensionarii à contributione, & solutione in prædictis literis contenta se tueri onusque solutionis ratam pensionis tangen. in ipsos titulares, seu Administratores Ecclesiarum, Canonicatum, Dignitatum, Mensarum, aliorumque beneficiorum, tam sæcularium, quam Regularium prædictorum rejicere, & retorquere contendant, & desuper nonnullæ lites, & controversiæ motæ fuerint, & de præfenti forsitan adhuc pendeant indecisæ.

§. 4. Nos Ecclesiarum Mensarum, Canonicatum, Dignitatum, aliorumque Beneficiorum hujusmodi indemnitati consulere, & ne fructus illarum, & illorum plus æquo graventur providere, omnemque dubitationis, & controversiæ materiam nostræ declarationis oraculo terminare volentes, ac omnium, & singularum reservatarum pensionum pactorum, & conventionum, & in eis contentarum clausularum tenores, ac litium, & causarum super præmissis coram quocumque Juce pendendum statum, & status, & merita etiam si talia forent quod de illis specialis, & individua mentio fieri deberet, perinde, ac si de verbo ad verbum expressis, & expressa essent præsentibus pro expressis habentes eademque lites, & causas in statu, & terminis in quibus reperiuntur à quocumque Juce, & Tribunali, tam hujus Urbis Romæ, quam aliis quibuscumque locis, & tam in statu nostro Ecclesiastico, quam extrâ illum ubicumque agantur etiam in gradu appellationis pendeant ad Nos advocantes, easque penitus suppressantes, & extinguentes Motu simili, & ex certa scientia nostra, & de Apostolicæ potestatis plenitudine declaramus, & denuntiamus mentem & intentionem nostram in prædictis literis fuisse, & esse, ac immutabilem fore Decimas ipsas super omnibus Pensionibus prædictis ratam cuilibet earum tangen. omni pacto, & conditione, remotis, & absque ulla spe relevationis Pensionariorum contra titulares, & Administratores Mensarum Ecclesiasticarum, & reliquorum Beneficiorum, & locorum Piorum in dictis literis expressorum per Nos fuisse, & esse impositas, & propterea omnes, & singulos Pensionarios quacumque auctoritate, dignitate, præeminencia præfulgeant (non tamen personas in prædictis literis exceptas) ad ipsarum Decimarum solutionem pro rata cujuslibet Pensionis teneri, & obligatos esse neque ullum jus, & actionem etiam in vim cujuscumque pacti, & conventionis quantumvis ex causa onerosa, vel donationis juramenti, obligationis Cameralis, augmenti, Pensionum, & cujusvis alterius quantumvis inexcogitæ cautelæ, & pactiois etiam à Sede Apostolica in genere, vel in specie, atque individualiter cum illorum, & illarum tenore inserto approbatis, & confirmatis, & forsitan pro Decennio durante approbandis, & confirmandis aliquid aliquando ab ipsis titularibus repetendi competere, sed ipsos Pensionarios ad Decimarum hujusmodi solutionem pro rata suæ cujuslibet pensionis juxta nostrarum literarum prædictarum formam, & tenorem, ac præsentem nostram declarationem, ac si quoad eandem Decimas per Nos impositas nullatenus pacta, conventiones, dona-

Declaratio  
mentis.Pensionarii  
teneantur ad  
solutionem  
decimarum.

tiones,

tionem, juramenta, obligationes, & alia cautela superius dicta, & per Sedem Apostolicam approbata, vel approbanda nullatenus emanassent, vel emanaverint, imò illis omnibus quoad solutionem Decimarum prædictarum plenariè, expressè, & specificè ad favorem fructuum prædictorum, seu Titularium, & Beneficiatorum, ac Administratorum prædictorum derogatum fuisse, ac iterum Nos tenore præsentis Motus proprii expressè, & plenariè ad exonerationem titularium, & beneficiatorum, ac mensurarum aliorumque locorum prædictorum contra Pensionarios derogamus, & dicto durante Decennio eosdem Pensionarios teneri, ac per eos ad quos spectat, & pro tempore spectabit juxta prædicta impositionis, & hujus nostræ declarationis formam, & tenorem cogi, & compelli posse, seu debere.

§. 5. Et pro potiori cautela quascumque sententias in causis prædictis contra ipsos Pensionarios, seu eorum aliquem super præmissis Decimis hætenus latas, promulgatas, & publicatas, ac etiam executioni demandatas, uti nullas, & invalidas revocamus, cassamus, annullamus, & viribus evacuamus cum omnibus indè secutis, ipsisque Pensionariis perpetuum silentium super præmissis imponimus, & impositum esse declaramus, & hanc mentis nostræ declarationem cum omnibus, & singulis per Nos præsentis Motu proprio ordinatis locum habere, & omninò servari volumus, tam in Pensionibus hætenus impositis, quam imposterum imponendis quibuscumque pactis, conventionibus, clausulis, & cautelis, ac etiam eidem præsentis nostræ declarationi, renunciationi etiam juramento facti non obstant. quæ omnia eo ipso irrita, & invalida, ac nullius roboris, & effectus fore, & esse censentur, & ita declaramus. Sicque, & non aliter per quoscumque Judices ordinarios, & delegatos quavis auctoritate fungentes, ac causarum Palatii Apostolici Auditores &c. sublata &c. judicari, & definiti debere, irritumque &c. decernimus.

§. 6. Non obstant. Constitutionibus, & ordinationibus Apostolicis, ac Nostra, & Cancellariæ Apostolicæ regula, de jure quæsitò non tollendo, ac Ecclesiarum in quibusvis beneficiis hujusmodi existunt, seu à quibus mensura ipsæ dependent etiam juramento &c. roboratis &c. privilegiis &c. Quibus omnibus &c. eorum tenores &c. latissimè hac vice dumtaxat specialiter, & expressè Motu pari derogamus, cæterisque contrariis quibuscumque, cum clausulis opportunis.

Fiat Motu proprio F.

Et quod literarum prædictarum tenores etiam veriores, ac Dat. ac singulorum Pensionariorum prædictorum dignitates, qualitates, & præeminentias etiam speciali nota dignas, & alios de necessitate exprimendas præsentibus pro individualiter expressis habentes, seu in toto, vel in parte exprimi possint in literis. Et de declaratione, denunciatione, avocatione, extinctione, silentii, impositione singulis derogationibus, & decretis, ut supra in literis latissimè exten. Et quod præmissorum omnium, & singulorum etiam denominationum, qualitatum aliorumque necessariorum major, & verior specificatio, & expressio fieri possit in literis si videbitur etiam per viam de Curia expedire. Et cum decreto quod interim etiam antè earumdem literarum expeditionem sola nostræ præsentis Motus proprii Signatura sufficiat, & ubique plenam fidem faciat in iudicio, & extrà regula quacumque contraria non obstant. Et firmis remanentibus cæteris omnibus, & singulis per Nos in dictis literis impositionis Decimarum dispositis, & ordinatis.

Fiat F.

Datum Romæ apud S. Mariam Majorem Kal. Aprilis anno nono.

Breve Beatificationis Petri de Arbues Canonici Metropolitanæ Ecclesiæ Cæsaraugustanæ, primi Inquisitoris in Regno Aragoniæ.

ALEXANDER PAPA VII.

Ad futuram rei memoriam.

Fortissimos Christi athletas, qui venerunt de tribulatione magna, & laverunt stolas suas, & dealbaverunt eas in sanguine Agni, quorum pretiosa in conspectu Domini morte religio defensa, cumulata fides, Ecclesia roborata est, sicuti post agonem victores corona justitiæ donat in cælis justus Judex, ita devota convenit fidelium veneratione in terris honorari, ut qui sunt ante thronum Dei, & serviunt ei die, ac nocte in templo ejus, infirmitatem nostram sua intercessione juvare dignentur.

§. 1. Quam in rem pro pastoralis nostro munere, quo Ecclesiæ Catholice regimini divina dispositione præsidemus, propensius studiis incumbentes, flagrantia id ipsum Catholicorum Regum, & aliorum Christi fidelium vota libenter exaudimus, prout omnibus maturæ discussionis trutinæ perpensis ad gloriam Omnipotentis Dei, ad Christianæ Religionis, Fideique Catholice robur, & incrementum, Sanctæque Matris Ecclesiæ exaltationem cognoscimus in Domino salubriter expedire.

§. 2. Cum itaque ad preces Charissimi in Christo filii nostri Philippi Hispaniarum Regis Catholici, ac dilectorum filiorum Generalis Inquisitoris, & Ministrorum omnium Sanctæ Inquisitionis Hispaniarum, ac Deputatorum præsertim in Regno Aragonum adversus hæreticam pravitatem, necnon Capituli Metropolitanæ Ecclesiæ, Cleri, Juratorum, & Populi Civitatis Cæsaraugustanæ processus ritè, ac rectè confecti fuerint super Sanctitate Vitæ, Virtutibus, Martyrio, causa martyrii, prodigio quoque effervescentiæ, & multiplicationis sanguinis, aliisque miraculis à Deo patris intercessione Servi Dei Petri de Arbues aliàs Magistri Epilæ nuncupati, dum vixit, Canonici prædictæ Metropolitanæ Ecclesiæ Cæsaraugustanæ, & primi Inquisitoris in dicto Regno Aragoniæ auctoritate Apostolica deputati, qui dum munus Inquisitoris hujusmodi fideliter, & summo cum Fidei Catholice zelo exercebat, à nefariis quibusdam Sicariis Judaica perfidia infectis, in odium ejusdem Catholice Fidei immaniter trucidatus martyrii palmam accepisse asseratur: idemque processus in Congregatione Venerabilium Fratrum nostrorum Sanctæ Romanæ Ecclesiæ Cardinalium sacris Ritibus præpositorum accuratissimè discussi fuerint, factaque tandem eorum omnium, quæ in causa gesta sunt, coram Nobis plena, & distincta relatione, præfata Cardinalium Congregatio, Nobis annuentibus censuerit, quandocumque tutò deveniri posse ad solemnem Canonizationem ejusdem Servi Dei Petri Arbuesii juxta Ritus S. R. E. & Sacrorum Canonum dispositionem, attento quod agitur de Martyre cum prodigio, & miraculis maturè discussis, & formiter approbatis.

§. 3. Hinc est quod Nos piis memoratorum Philippi Regis, Inquisitorum, Capituli, Cleri, Juratorum, & Populi supplicationibus Nobis super hoc humiliter porrectis inclinatis, de præfatorum Cardinalium consilio, & unanimi assensu indulgemus, ut memoratus Dei Servus Petrus Arbuesius in posterum Beati nomine nuncupetur, ejusque corpus, & reliquie venerationi Fidelium (non tamen in processibus circumferenda) exponantur. Imagines quoque radiis seu splendoribus exornentur, atque de eo sub Ritu duplici recitetur

CXXXIX.

Edita A. D.  
1664.

Exordium.

Supplicatio  
Regis & In-  
quisitorum  
Hispania-  
rum.

Beati nomi-  
ne nuncu-  
pandus.

Contrariis  
derogat.